

增補卷三錄

卷十六之卷十九

尚友錄卷十六

十四旱

管

徵音平昌周文王第三子封于管爲管叔以國爲氏

管

仲

周名夷吾春秋時顯上人少與鮑叔牙爲友嘗曰吾與叔牙分財多取不以我爲貪知我貧也謀事困窮不以我爲愚知時不利也三仕三退不以我爲不肖知不遇時也三戰三走不以我

爲怯知我有老母也生我者父母知我者鮑子後相齊桓公富國強兵攘夷狄尊周室九合諸侯一匡天下孔子曰微管仲吾其被髮左衽矣許其有仁者之功所著有管子八十六篇初仲得于魯縛而檻之使役人載而送之齊皆謳歌而引仲恐魯止而殺已也欲速至齊國謂役人曰我爲汝唱汝爲我和其和適宜役人不倦而取道已遠

管

寧

漢字幼安朱虛人美鬚眉少與華歆同席讀書有乘軒冕過門者歆輒書觀之寧與割席分坐曰子非吾友也嘗與歆共鋤菜地遇金甯揮鋤不顧歆捉而擲之漢魏之際居遼東二十年孟

觀蔡邕王基薦之曰寧含章葆素冰潔淵清匿景藏光嘉遯養浩金聲玉色久而彌章前世未有勵俗獨行若寧者魏明帝安車蒲輪束帛加璧聘焉家貧好學一藜床五十年當膝處皆穿卒年八十四子邈爲博士幼安在遼東鄰人有牛暴幼安田幼安牽牛著涼處自與飲食過于牛主牛主得牛大慚若犯嚴刑嘗見公孫度語唯經典不及世事乃因山爲廬鑿坏爲室越海避難者皆就之旬月成邑遂講詩書陳俎豆飭威儀明禮讓非從學者弗見由是度安其賢民化其德邈原時亦在遼好以清議格物度以下心不安之幼安謂原曰潛龍以不見爲德言非其時皆招禍之道也密勸之西還

管

輅

三國字公明平原人明周易精于天文風角占相之術每言輒應嘗曰吾恐四十七八間不見男婚女嫁也果年四十八而卒年十五從其父之瑯琊太守單子春聞輅名請見會客百餘

人皆才辨之士管曰輅年少膽未堅請先飲三升清酒然後可談酒畢問太守今欲與輅對者爲誰子春曰吾自與卿旗鼓相當因相與劇談半日衆莫能難子春歎曰絕似司馬長卿

管辰

唐撰管輅傳三卷

管師復

宋龍泉人與弟師嘗俱有盛名從胡瑗遊師復善詩自號臥雲先生仁宗召至問曰卿所得何如對曰滿塢白雲耕不盡一潭明月釣無痕臣所得也不受爵命

筦

筦輅

漢瑯邪人受公羊春秋於疏廣後仕為御史中丞孫寶師之

滿

山陽宮音陳胡公滿之後又荀彧有滿氏音外變為滿氏又望出汝南河東

滿寵

三國字伯翳昌邑人仕魏屢立戰功官至太尉寵不治產業家無餘財詔賜田四十頃給五百斛錢二十萬以表清節諡景侯

滿闐

宋自號逍遙子工詩有唐人風其苦吟詩云髮任莖莖白詩須字字精又貧居詩云長喜詩無病不愁家更貧坐廬多逸黨得罪避舒州灤山寺中為行者置詩鍾樓云頑童趁暖食春睡忘却登樓打曉鍾孫僅見之曰此道

遙子也令寺僧呼之闐已亡去

散

上聲今江東有此姓

散宜生

周文王四友

十五潛

音音范陽晉續簡伯

簡卿

漢嘗受尚書于兒寬

簡雍

三國字憲和范陽人性跌宕風儀優游少與昭烈善昭烈至荊州雍爲從事中郎力勸取成都遂爲訊劉璋歸命後拜昭德將軍時天旱禁酒吏于人家得釀具皆罪之雍侍先主遊見一男

一婦同行曰彼將行淫主曰何以知之曰彼有其具與釀具同主大笑而赦有釀具者

棧

見姓苑音潺

棧潛

南北任城人魏歷縣令嘗督守鄴城時文帝爲太子耽樂田獵晨出夜還潛諫曰都城禁衛用戒不虞若以一日從禽之娛而亡無窮之憂愚竊惑之太子不悅然自後遊出差減明帝時衆

役並與戚屬疏斥潛上疏曰陛下憂承洪緒宜崇晏安與民休息乃日費千金大興殿舍恐民力彫盡下不堪命也親親顯用則安危同憂深根固本永保無極後燕辟爲中尉不就

十六銑

蹇

山陽蹇叔之後

蹇重

周魏文侯賜大夫千曲陽飲酣文侯喟然歎曰吾獨無豫讓以爲臣蹇重舉酒進曰臣請浮君文侯曰何以對曰臣聞之有命之父母不知孝子有道之君不知忠臣夫豫讓之君亦何如哉

文侯曰善受浮而飲之醕而不讓曰無管仲鮑叔以爲臣故有豫讓之功也

蹇遵

三國著左傳斷義七卷

蹇昌仁

唐註陰符經一卷

蹇周輔 宋善著文宗命答高麗書稱旨

典 陳留見姓苑

典 韋 漢陳留人形貌魁梧膂力過人從曹操討呂布于濮陽操募陷陣者韋手持戟十餘大呼起所抵無不應手倒者布衆退拜韋都尉其後張綉反襲操營韋戰歿子滿爲中郎

雋 才克切渤海羽音

雋不疑 漢字曼倩渤海人治春秋爲郡文學進退必以禮武帝末以暴勝之表薦徵拜青州刺史昭帝時擢京兆尹京師吏民敬其威信每行縣錄囚徒還其母聞有所平反則喜否則怒故不疑爲

吏壯而不殘霍光欲妻以女固辭後以病免

單 南安徵音周成王封少子臻于單邑爲甸內侯因氏焉音善

單 父 漢字仲孺種藝牡丹能變易千種人呼爲花師

單道開 三國魏煌人常依粗褐吞細石子晝夜不臥石龍時從西來一日行七百餘里至秦州送至鄭後入羅浮山獨處茅茨蕭然物外百餘歲卒

單雄信 隋王世充將善用馬槊號飛將

單以清 唐嘉定人元陽觀道士大歷中嘗之嘉興入船聞異香疑有非常人遍目同載者惟船頭一人儀趣頗殊單君遷坐與並席香氣彌甚因從容問之答曰吾此地人少病大風逃深山遇一老

人哀之令從行有草堂數間老人曰汝且居此一月後自來視汝以藥丸一裹令餌之老人遂行更入深山入堂餌藥不幾渴身日以輕兩月老人來笑曰有心哉故在此疾已瘳矣至水濱照之鬚皆

生顏色益少老人曰汝既服吾藥可長生人間且勤修道術以二十年爲期遂導令却歸吾拜問其姓名老人曰子聞國初衛公李靖乎是也乃辭出山今限將及再入山尋師耳單君因記其事爲人道之

單士寧

宋慶歷中與同編脩史館

展

河東魯孝公于展之後無該卒公命以字爲展氏

展禽

周名獲字季魯人居柳下仕魯爲士師三黜而不去人間之曰直道而事人焉往而不三黜枉道而事人何必去父母之邦卒謚曰惠孟子稱其不羞汙君不辭小官進不隱賢必以其道又

曰柳下惠聖之和者也 有魯男子獨居夜風雨屋敗忽一女投之男子不納婦曰子知柳下惠乎納女懷中國人不稱其亂男子曰在柳下惠則可吾則不可將以吾之不可學柳下惠之可

展上公

周脩道子句容縣玉晨觀得仙

展子奇

漢工蕭爲識家三史

展伯興

宋邵武人上官佐志列於文學傳

善

望出河內

善卷

上古武陵人居于樞濬堯聞得道乃北而師之及堯受終之後舜又以天下讓善卷曰余立于宇宙之中冬日衣皮毛夏日衣葛絺春耕種形足以勞動秋收斂身足以體息日出而作日入

而息趙適于天地之間而心意自得吾何以天下爲哉悲夫子之不知余也遂不受去入深山莫知其處宋政和間賜號曰遁世高蹈先生

扁
音辯渤海又望出南陽

扁
鳥周史記云姓秦名扁鵲越人醫書云廬國人姓扁名鵲魏文侯謂扁鵲曰子之兄弟三人孰昔為最善醫扁鵲曰長兄於病視神未有形而除之故名不出於家中兄治病其在毫毛故名不出於閭若扁鵲鑲血脉投毒藥敷肌膚間而名出聞於諸侯

十七篠

趙
直紹切天水角音顯帝伯益之後十三代至造父事穆王以功封趙城子孫因氏秦併六國子孫分散至漢京兆尹廣漢世居涿郡宋僖祖生長于燕即其後也

趙衰
周字子餘臨晉人夙之孫有深志遠謀重耳安于齊與舅犯謀勸公子歸後襄王命為卿以讓樂枝文公反國及伯多出其謀以衰為原大夫任以國政卒諡曰成子盾字孟諡宣子代父

為卿嘗舉韓厥為中軍尉賈季曰趙衰冬日也趙盾夏日也晉靈公不君從臺上彈人膳夫觸熊膳不熟殺之盾驟諫公曰吾知所過矣盾拜曰人誰無過過而能改善莫大焉公患之使鉏麇賊之不果召

盾飲酒伏甲兵攻之車右祈彌明知之扶而出門甲與公介靈輒倒戈禦之走而免宣子亡未出境聞趙穿弑公桃園乃反太史書曰趙盾弑其君宣子曰穿也曰子為正卿亡不出境歸不討賊非子而誰

孔子曰董狐古之良史也書法不隱宣子晉之大夫也為法受惡盾子朔朔子武父朔為屠岸古所殺朔妻成公姊遺腹生武賈素之急賴程嬰忤白以免後立為卿相悼公薄諸侯之幣而重其禮諸

侯以是睦于晉卒諡曰文

趙奢
周趙人為田部吏秦伐韓請救于趙趙以奢為將大破秦軍號馬服軍其子括徒能讀父書長平之役白起射殺之

趙
周號簡子周舍立簡子之門三日夜簡子問之曰天子將何以教我周舍曰願為諍諍之臣操

皮不如一狐之腋衆人之唯唯不如一士之諤諤自舍死後吾未嘗聞吾過也歟昔南離楚渡漢津吏醉臥欲殺之其妾持楫而言曰妾父聞君南渡故禱九江三淮之神不勝杯酌至此妾願當之易父之命簡子將渡而少一人乃備員中流發激棹之歇簡子大悅以爲夫人

趙

勝

周武陵王子秦園邯鄲急用毛遂合楚之盟又請收魏公子無忌遂復存趙食客嘗數千人號平原君與齊孟嘗君楚春申君魏信陵君爲四豪太史公曰平原翩翩濁世之佳公子也

趙廣漢

漢字子都壽吾人舉茂才爲陽翟令有治行遷京兆尹善爲鉤鉅以得事情發奸摘伏如神威制豪強小民得職匈奴中皆聞名及坐法吏民守闕號泣者數萬曰臣生無益縣官願代趙京

死兆

趙

禹

漢整人武帝時以刀筆吏積勞遷爲侍御史中大夫與張湯論定律令禹爲人廉靖爲吏以來舍無食客公卿相造請終不行報謝務在絕請託孤立行意後爲少府九卿以壽卒

趙充國

漢字翁孫上邽人良家子善騎射沉勇有方略武帝朝拜中郎將軍驍將軍與霍光定册立宣帝元康初羌人叛時克國年七十餘上老之使兩吉問誰可將者克國曰無踰老臣矣馳至金

城圖上方略屯田十二事羌破振旅而還封營平侯卒年八十六諡曰壯侯成帝時附入麒麟閣

趙

戒

漢南陽太守糾豪傑率吏民奏免中官子弟爲令長貪濁者

趙

咨

漢字文楚昨城人拜東海相道經滎陽令曹嵩望塵不及嘆曰趙君過界不見必爲天下笑卽棄印綬謁咨咨計日受俸以清節著聲咨少孤有孝行盜嘗夜劫咨恐母驚迎盜卽曰母老

且病乞少置衣糧妻子物一無所咨盜慚而去咨追與之不及由是知名

趙

熹

漢字伯陽宛人從兄爲人所殺熹年十五思報之挾兵以往而仇家皆病熹曰因病殺人非仁者乃出赴光武召累遷郡刺史有聲帝嘗延集內戚諸夫人各各前言熹長者往還亦肩出長

安皆仗義濟活帝即引見曰卿非但為英雄所保婦人亦且懷恩拜太尉封關內侯

趙

貢

漢涿郡人京兆尹初兄子為郡太守行縣見不其令薛宣甚悅其後行屬縣還至府令妻子相與見戒曰薛君廉至丞相我兩子亦為丞相史後宣果代張禹為丞相除貢兩子為史

時稱貢有知人與子之明見云

趙

戩

漢字叔茂為平陵令乃王允故吏也允被害莫敢收其尸者戩棄官營葬之李郭嘗捕戩衆人驚危而戩顏色自若李郭乃悔謝得免

趙

壹

漢字元叔漢陽西縣人恃才慢傲不為鄉里所容作窮鳥賦以自遣客於豫州上計到京司空袁逢受計計吏數百皆拜伏廷下壹入長揖逢令讓之壹曰昔酈食其長揖漢王今揖三公何

違怪耶逢即下執其手延置上座順謂坐客曰此漢陽趙元叔也朝士莫有過之者既出造河南尹羊陵不得見因上堂舉聲大哭門下皆驚陟知其非常人也遂出與語大奇之明日造訪時諸計吏皆盛飾騎從而壹獨柴車露宿歎陟坐車下陟曰良嘆不剖必有泣血以相明者遂與袁逢共薦之名大震未幾西還十辟公府皆不就終于家所著有賦頌箴誄書論及雜文十六篇 長安巨室宗連長妻以

季女裝資鉅萬送為富人

趙

溫

漢字子柔京兆丞雅有大志歎曰大丈夫當雄飛安能雌伏還棄官去

趙

孝

漢字長平沛國蕭人時兵荒人相食弟禮為餓賊所得孝聞之即詣賊曰禮瘦不如孝肥賊驚異並放還鄉鄰宗聞其行拜諫議大夫 孝以父田禾將軍任為郎每告歸白衣步擔嘗

從長安還欲止郵亭亭長聞孝當過灑掃待之孝既到長不肯內因問曰田禾將軍子何時到孝曰尋到矣後以諫議還衛尉以弟禮為御史中丞十一日就衛尉府大官送供具令相對盡歡

趙

雲

三國字子龍真定人漢昭烈為曹操所追棄妻子南走時雲為騎將保護皆得免難累遷翊軍將軍封永昌亭侯五虎將雲居其一就虎威將軍先主嘗曰子龍一身都是膽年八十餘卒于

趙達

晉治九宮一筭之術對問若神一旦過知故爲之具食食畢謂曰倉卒乏酒設也達因取盤中

遂出酒肉酣飲

趙至

晉年十四入太學觀時稽叔夜在學寫石經古文事訖去至隨之間其姓名稽曰少年何以問我至曰觀君風器非常故問耳稽具以告至年十五陽病數數狂走五里三里爲家追得又炙

身至十歲處年十六遂亡命至洛陽求索稽具道太學中事便逐稽歸山陽

趙文深

南北南陽人少學楷隸雅有鍾王之筆仕元魏爲大丞相府法曹參軍以善碑榜得名嘗刻定隸書六體行于世

趙僧巖

南北北海人寥廓無常人不能測與劉善明爲青州欲舉爲秀才大驚拂衣而去後忽爲沙門栖遯山谷嘗以一壺自隨一旦謂弟子曰吾今夕當死壺中至夜而亡

趙不器

隋子夏日冬曦和璧安貞居貞頤貞彙貞父子八人皆及第時稱科第趙家

趙軌

隋洛陽人父肅後魏廷尉卿軌少好學有行檢後周蔡王引爲記室隋初轉齊州別駕有能名徵入京師與牛弘撰定律令格式齊州父老送之曰公清如水酌一杯水奉錢軌受飲後累官

壽州總管開廣芍陂三十六門灌田五千餘頃人賴其利

趙昱

隋嘉州刺史時有老蛟爲害昱率千人臨江鼓譟自持刃入水有頃江水盡赤昱執蛟奮波而出唐太宗封神勇大將軍廟祀灌江口

趙師雄

隋睢陽人開皇中過廣州南海縣羅浮山天寒日暮見林間酒肆旁茅舍一美入淡粧靚色素服出迎時殘雪未消月色微明雄與語極清麗芳香襲人乃相與扣酒家門共飲一綠衣童子

歌笑雄不覺醉臥既覺但覺風寒相襲東方未明熟視乃在大梅樹下有翠羽嘈唧其上月落參橫惆悵而已

趙 昶

隋字通賢冀州刺史市多奸偽昶造銅斗鍤尺置之肆間百姓稱便上聞而嘉焉詔天下如其法嘗有盜田中蒿者爲吏所執昶曰此刺史不能宣化彼何罪也慰諭遣之令人載嵩一車賜

盜盜懲泣過於嚴刑

趙 師

唐字耶利善鼓琴貞觀初獨步上京嘗云吳聲清婉若長江廣流綿綿徐逝國士之風蜀聲躁急若激浪奔雷亦一時俊快

趙 德

唐海陽人明經博古力排異端以文學著韓愈聘爲士子師潮人知學自此始號爲天水先生

趙 蕤

唐驪亭人篤學不仕雅與李白善稱布衣交著書號長短經梓州志稱人傑

趙光逢

五代字延吉以文行知名時人稱其方直溫潤謂之玉界尺仕後梁爲中書侍郎

趙 普

宋字則平蘄州人父迥徙洛陽普沉厚寡言事太祖初爲書記能以天下之事爲己任太宗立拜太師歷相兩朝未嘗爲子弟求恩澤太宗稱曰普能斷大事盡忠國家真社稷臣也及卒追

封韓王諡忠獻普初寡學術太祖勸以讀書自是手不釋卷每歸私第啓篋取四書讀之乃論語二十篇也弟安易官至宗正卿子承宗歷知數州

趙 槩

宋字叔平虞城人少篤學自力器識宏遠中進士仁宗時累官樞密使叅知政事以太子太師致仕退居十五年嘗爲諫林百二十卷上之仁宗詔褒之卒年八十八諡康靖槩秉性和平雖

在事如不言然陰以利物者不少

趙 抃

宋字閱道西安人景祐初進士累官殿中侍御史彈劾不避權倖京師號鐵面御史帥蜀以一琴一鶴自隨其再任也屏去琴鶴止一簪頭執事後拜叅知政事與王安石不合於杭州青

老加太子少保卒諡清獻子熈累官監察御史所言皆切時發出提點京東刑獄歷鴻臚太僕少卿
拊平生日所爲事夜必衣冠露香拜手告天不可告者則不敢爲也嘗知越州兩浙旱蝗米價涌貴
諸州皆禁增價公榜衢路有米者任增價縱
之于是商賈輻輳米價便減民無饑死者

趙

鼎

宋字元鎮聞喜人崇寧中進士隨高宗南渡累官殿中侍御史陳四士事遷御史中丞初鼎薦
張浚後並相協心以圖興復之功與秦檜論和議不合罷政謫嶺南在吉陽不食而卒自題銘

旌云身騎箕尾歸天上氣作山河壯本
朝孝宗時贈太傅豐國公諡爲忠簡

趙

瞻

宋盤屋人第進士調孟州司戶參軍歷知萬泉夏縣皆有善政英宗時以侍御史上疏出判汾
州神宗時判開封言青苗法不便出知同州累遷同知樞密院事卒諡懿簡所著有春秋論史

記抵牾
論等書

趙

棠

宋衡山人少從胡宏學慷慨有大志嘗見張浚於督府浚雅敬其才欲以右選
官之棠不爲屈累以策言兵事浚奇之命子栻與棠交棠之子方遂從栻學焉

趙令

宋太祖五世孫靖康初論事被謫高宗召見令杅奏乞留張浚召趙鼎以言不合罷寓居三衢
後襲封安定郡王子子覺號雪齋居士有文名令杅觀秦檜家廟記口稱君子之澤五世而斬

檜聞怒責
治汀州

趙子

宋太祖六世孫父令郊任右千戶大將軍改朝奉郎知杭州有惠政累官通議大夫崇寧二年
承重榜子嶠與弟子岷同及第授左朝散大夫建炎初知湖州直秘閣時金人南侵子嶠親率

將士禦敵人皆感動死守事甫定遺罷去民攀戀涕泣紹興間與叔安定郡王令諤徙居諸暨度寺
卒御史以湖郡民情達於上詔郡人祀之與令人王合葬智度寺後山子伯履紹興進士衢州倅伯履

子師贊中散大夫
泉州市舶提舉

趙

燿

燿

燿

燿

趙明

宋上猶縣尹抵任禧雨雨隨逐蝗蝗去驅厲屬走民以為異為立棠陰碑以記其政績

趙達

宋字莊叔秦州人紹興中對策當旨擢第一獨忤秦檜意外補帝問達安在除校書郎達單車赴關關吏迎合檜搜達橐中僅書籍耳比檜卒遷起居郎帝曰卿知之乎始終皆朕自擢檜一

語不及卿以此信卿不附權貴真天子門生也

趙師旦

宋字潛叔知江州遇事明斷吏不得一錢遺物道上無敢取者後死儂智高之難其喪歸至江山邑人攀號者數百里不絕先是師旦藏其妻子山谷生一子棄草中賊去後凡三日尚生

人以爲忠孝之報

趙彥彬

宋爲貴溪令廉以律已嚴以御吏寬以恤民嘗書座右曰儆薄儉常足官卑清自高乃名言也

趙汝愚

宋字子直餘千人累遷樞密孝宗崩光宗疾篤中外洶洶汝愚奮不顧身頃刻定大計收召賢士輔寧宗未幾爲韓侂胄所構謫永州卒追封沂國公諡忠定

趙葵

宋字南仲父方寧宗時爲荊湖制置使葵每聞警報與諸將偕出遇敵輒深入諸將惟恐失制置子盡死救之以此獲捷一日方行犒賞軍士憤其薄葵時年十三亟呼曰此朝廷賜也本

司別有賞資軍士遂定人服其機警後拜相屢立奇功朝廷倚以爲重者二十年諡忠靖

趙昂發

宋爲池州判元兵攻城將下語妻曰吾義當効死汝計將安出妻曰君爲忠臣我獨不爲忠臣婦乎俱自死

矯

晉大夫矯父之後

矯慎

漢字仲彥茂陵人少好黃老隱避因穴爲室仰慕松喬導引之術年七十餘忽歸家自言死日及期果卒後人有見之者或云神仙焉

矯應 南北海高士

矯 高陽氏之孫

矯眞 漢逸士

矯固 漢註禮記檀弓

繞

繞朝 周秦大夫晉士會奔秦晉人患秦用士會乃使魏壽偽攻秦以誘士會秦使士會繞朝諫不聽會行朝贈之以策曰子無謂秦無人吾謀適不用也

十八巧

鮑 部巧切上黨富音夏禹之後出東海泰山河南

鮑叔牙 周敬叔子也代爲齊卿知管仲之賢薦以爲相

鮑靚 漢陳留人爲南海太守嘗遇陰長生授秘訣一日行部入海遇風饑甚取白石煮食之又與葛洪善遂以女妻洪靚還丹陽卒葬石子岡蘇峻之亂盜發其棺無尸唯大刀一柄盜欲取之聞

左右兵馬之聲刀亦有聲如雷盜驚懼乃止

鮑宣 漢字子都舉上計道遇一書生卒得心痛疾子都下車爲按摩奄忽遂卒不知姓字有馬一匹素書一卷銀十餅子都買一餅以資殯殮餘以枕之并素書埋之驕馬相隨至京師到一關內

侯家侯怪之曰君何以致此馬子都具以告侯驚駭曰此吾兒也即迎喪開視銀書如其言乃薦子都辟公府至司隸後坐權辱宰相徙之上黨遂家焉子永字君長事後母至孝妻嘗于母前叱狗永即

出之官尚書僕射後封東陽侯永嘗行部霸陵道經更始墓引車入拜左右止之永曰親北面事人寧有過墓不拜雖獲罪司隸不避也西至扶風椎牛上苟諫墓帝聞之不平問公卿曰奉使如此可乎張

湛曰仁者行之宗義之主仁不遺舊義不忘君帝曰善初趙王良從帝送來歙喪還入夏門城與中郎將張郃爭道叱郃下車又詰責門侯使前走數十步永時為司隸校尉劾奏良無藩臣禮大不敬良

貴戚尊重而永効之朝廷肅然永辟扶風鮑恢為都官從事恢亦抗直不避彊禦帝嘗曰貴戚且歛手以避二鮑永子煜字文泉為北陽長有繫獄當死者母詣煜泣告無後煜憐之令妻入獄遂有妊生

子刺史荊州表其事于朝煜為司隸時奉法守正有父祖風後自郡守入拜三公子德有志節章帝朝為南陽太守時歲大荒惟南陽豐稔吏民愛悅號為神父

鮑昭 南北字明遠工詩詩評云為詩欲詞格清美當看鮑昭謝靈運詩人中稱為鮑謝仕宋為臨海王叅軍杜詩云俊逸鮑將軍

鮑陋 南北鎮白帝為譙道福園急城中乏水鑿石百道得泉道福謂陋渴欲降之陋竟生魚道福乃解圖去

鮑慎由 宋字欽正龍泉人舉進士累官工部員外郎以議論不合而去後知明海二州奉祀慎由嘗從王安石蘇軾遊為文汪洋闊肆詩尤高妙嘗註杜詩有文集五十卷

十九皓

老 風俗通顓帝子老童之後

老古 周晉文公逐麋而失之間農夫老古曰吾麋安在老古以足指曰如是往文公曰寡人問子以足指何也老古振衣而起曰一不意人君如此也虎豹之居也厭閒而近人故得魚鱉之居也

厭深而之淺故得諸侯厭衆而亡其國詩云維鵠有巢維鳩居之君放不歸人將君之于是文公載老古以歸

造見姓苑

造父

周顯帝之後周穆王時善御以功封趙城由此爲趙氏

二十

左

濟陽商音齊公族有左右公子因氏

左伯桃

周燕人與羊角哀爲友聞楚王善待士乃同入楚值雨雪糧少伯桃乃併糧與哀令入事楚自餓死于空樹下哀至楚爲上大夫乃言于楚王備禮以葬伯桃

左丘明

周因春秋作傳杜預云仲尼爲素王丘明爲素臣宋元豐中詔從祀封殷丘伯

左人郢

周字子行魯人孔門弟子心悅聖道後世追封南華侯

左于

漢光武軍師

左慈

三國字元放廬江人明五經通星於天柱山得九丹金液經曹操聞而召之閉一室斷穀食日與水二升期年出之顏色如故操欲學之慈曰學道當清淨無爲欲殺之爲設酒慈以簪齒

杯酒中斷飲其左以其半與操以杯擲屋棟似鳥飛之狀一坐屬目失慈所在操會客慈亦預宴珍饈具備所欠吳江鱸慈取銅盆貯水釣之得魚操經陽城山見慈採藥令人逐之走入羊群操知不可得

告之曰不復相害試君術耳一老羝風膝曰詎如許卽赴之羝羊數百皆爲羝立云詎如許

左思

晉字太冲臨淄人博學兼善陰陽之術作齊都賦一年乃成復賦三都構思十年門庭藩溷皆著紙筆偶得一句卽傾疏入首以所見不博求爲祕書郎及賦成張華見而歎曰班張之流也

使讀之者盡而有餘久而彌新於是豪貴之家競相傳寫洛陽為之紙貴及張方縱暴舉家適冀州
三都賦初成時人互有譏謗後示張公張曰此二京可三然君文未重於世宜以經高明之士思乃詢
求於皇甫謐謐見之嗟嘆遂為作序於是先相非貳者莫不歛衽讚述焉陸士衡入洛亦擬作三都賦
聞太冲作之士衡撫掌大咲與弟士龍書曰此間有一儉父欲作三都賦須其成以覆酒甌耳及左
賦出士衡絕嘆伏以
為不能加遂輟筆焉

左振 唐肅宗朝為黃州守時王璵以祠禱得相遣女巫乘隙分禱天下名山大
川振斬之州人歌曰吾鄉有鬼巫惑人人不知天子正尊信左公能殺之

左斷炎 宋字榮叔涇縣人治禮易二經喜吟咏明脩煉之術任醫學教諭休退愛山水
之勝以琴鶴自娛忽一日告家屬云吾當某日逝矣至期無疾衣冠正坐而沒

左慶延 宋永新人年十七登第秦檜欲妻以女慶延辭之
坐是久不調後終承奉郎太學博士有澹菴文集

我 見風
俗通

我子 周著書六
國時人

二十一馬

賈 武威商音唐叔虞少子公明康王封于賈以國
為氏又云本自周賈伯之後又望出洛陽長樂

賈山 漢潁川人涉獵書記孝文時上書言治亂之道借秦為
喻名曰至言其後帝下鑄錢令山復上書諫遂禁鑄錢

賈誼 漢洛陽人文帝時河南守吳公薦之召為博士時年二十餘歲中超遷至大中大夫誼請改正
朔興禮樂絳灌等毀之洛陽年少事欲擅權出為長沙王大傅帝後思誼召見宣室內問鬼神